

靈寶領教濟度金書卷之八十一 戒咒

洞微高士闕光教普真人寧金身授

靈寶通玄弘教水南先生林靈真師

科儀立成品生神開度高用

鍊度儀

步虛 洒淨

設鍊度壇 贊引升座

祝香

此香雲凝三素蒸藹七靈丹谷流精雜坎混  
金華之祥玄臺孕秀雌雄符玉藥之祥恭裝  
寶香供養

無上自然三寶虛皇大道元始天尊玉晨元  
皇大道君後聖玄元老君九天帝主昊天玉  
皇上帝九天採訪應元保運普化天尊九天  
自然生神上帝九天帝真元君九天丈人真  
王元父道君九天真母聖后元君九天金蘇  
無量壽生神君九天丞相魄靈帝君九天司  
命魂靈帝君九天諸司真君列位真人九天  
好生韓君丈人度人不死尊神迴散起死監  
生大神玄中大法師三天大聖師三洞侍經

典法仙靈聖衆玄虛應感一切真靈願運慈  
悲俯垂省錄巨聞三寶開闢敷希夷之鳳策  
九霄御運宏微妙之龍章仁風鼓舞於幅圓  
惠露涵濡於寰宇朱陵南上明水火之玄機  
丹火中樞宣陰陽之正化提夜壑而朝陽煥

爛極寒庭而春淑熙怡自帝真開玉曆之奇  
故師寶啓金臺之秘燈燈續燄葉葉傳芳妙  
哉化育以難量矣矣生神而莫測巨等心涵  
淵粹逆襲紛葩元始之心傳面墻自嘆天  
靈神之口投入室未諧莫融經緯於三田未

混儀璘於六合冒領芝壇之渥濫聯楓陛之  
班宣德開幽期棹慈航於苦海承符破暗誓  
明慧燭於昏衢下慰群靈上禱三極今齊主  
某伏為亡故某瘁生根而香香飄命蒂以茫  
茫黑鬱送魂已賴虛無之帝力青冥御炁更

寶妙有之神功恭九卜今宵奉行鍊度降陰靈  
於坎室交羅東井之華結陽耀於離方融會  
南閣之彩舍烏育兔走虎飛龍澄清萬劫之  
根塵疏滄千生之業垢庶使心天不滓性地  
無埃升地戶而鬼官送迎佩符受戒入天門

而魔王保舉御錄膺圖十華扶汎景之輪五  
靈登道巨真之執身朝玄極面禮紫霄不經輪  
轉之期常享太平之運流祥後裔衍慶前開  
伏願大道好生洪慈度死丹與綠輦五色鬱  
勃於玄虛羽蓋瓊輪四象吁負於碧落飛丹

綸而風動救玄局以雲奔駐景傾光登真度  
命愆微巨再三之演副齊主萬一之恍巨下  
情無任不勝虔切之至

九天生神天尊  
上清靈寶玄壇炁香閣啓

九天司命府主水靈官主火靈官陽精玉胎  
鍊仙符契石景水母鍊真符更九天鍊度真  
宰南昌上官朱陵火府水火鍊度合會真靈  
願遵玉敕克赴玄壇應感分輝宣通役使切  
以三天布化鍊逝魄於朱陵九地承恩度死  
魂於黑朔故列九玄曹而輔極廣羅丹鍊以敷  
仁濟物心圓度人功大我以風緣慶幸昌運  
遭逢丹谷凝神運乾坤而坐忘入妙玄閣御  
炁符子午而密鍊融真既膺濟度之權盡贊  
生成之德以今奉為齋主某崇建某齋開度

亡故者克卜今宵奉行鍊度願此冥誠風抱  
真元陰垢溟濛既分難於四大陽華流蕩遂  
顯蹟於千生非由委炁以生神身伴全形而  
復質伏冀肅施妙化密運神功流火之精鍊  
而為胞灼火之明鍊而為胎乘木之精鍊而  
為塊柔金之形鍊而為魄合土之英鍊而為  
藏致坎之精鍊而為府昭離之精鍊而為竅  
激震之聲鍊而為景和允之榮鍊而為神二  
象攝生九炁合德徘徊經絡羅遶身形庶得  
本始生神根元契妙有開和暢消陰否以復  
陽明萬竅光華飛天芳而澄地垢集玉聘而  
索蒼降黃華以裁成即俾亡故其結炁全形  
還元復質千和萬合得隨刻以昇還七混五  
成可計日而受度永離惡趣即證樂無皆爾  
感靈隨我感應太極丹篆次第宣行

九天生神天專

平生讚

道場衆人各運心平生如法  
大行梵炁周迴十方中有度人不死之神  
中有南極長生之君中有度世百馬大神

中有好生韓若丈人 中有南上司令司錄  
延壽益壽度厄尊神 迴骸起死無量度人  
今日校錄諸天臨軒  
謹請九天主水靈官隨我神運變化水池蕩  
形濯質

焚石景水母真符

侍職洒水池

玄玄无上真 寶籍契天仙 神機妙澄湛

東井自淵仙 返胎生太虛 鸞鶴齊翩翩

至哉萬化祖 生根保自然

九天生神天專

謹請九天主火靈官隨我神運變化水池鍊  
神成真

焚陽精玉胎鍊仙符

侍職洒水池

朱明鍊金池 陽景煥天中 元始披霄笈

真文朗太空 鬱鬱丹霞敷 諸天紀玄功

死魂離幽夜 妙用流初終

伏以育炁金池有換骨度生之妙陶形玉沼

施迴骸起死之功惟茲二景之英華可滌萬

生之垢翳超凡入聖百神蓋徹於玄宮運胎  
更生五炁充盈於丹室坎離交媾于午循環  
三田辭惡濁之塵萬竅備輕清之質飛行自  
在嘯朗虛空晴非水火之玄功能結陰陽之  
正化謹請鍊度真靈部衛正度亡過者即赴  
玄壇依科受鍊

九天生神天專

引禧詣鍊度所

九天有命 普告萬靈地水杜令 列職真靈

部衛亡魂 鍊質還精玉符所告風火無停

萬石萬至 受鍊更生 疾證妙果上升玉京

宮爾真靈部衛亡過者隨我神運赴水池受  
鍊

移禧詣水池

焚水鍊第一符

結璘孕粹 東井澄瀾 飛流降炁 鬱勃迴環

亡魂一鍊 萬澤莫千 九天有命 舉形天關

九天生神天專

焚水鍊第二符

天乙孕化 華池耀明 扶桑合景 七炁齊昇

亡魂二鍊 神炁充盈 天河灌沐 上升紫庭

九天生神天尊

焚水鍊第三符

陰精布化 石景飛鮮 黃華蕩形 玉質輕圓  
亡魂三鍊 形儀自然 運真離妄 飛行帝軒

九天生神天尊

焚水鍊第四符

坎陰水帝 坎玄含虛 流華降英 混炁東詣  
亡魂四鍊 萬冤消除 玉田雲滿 遊行天衛

九天生神天尊

焚水鍊第五符

玄英御炁 瑤漢垂精 賜谷布化 萬神豐盈  
亡魂五鍊 太乙返生 洞觀道遠 億劫無傾

九天生神天尊

焚水鍊第六符

石景水母 靈耀玄光 寶律下注 潤澤无疆  
亡魂六鍊 乘晨希陽 罪根解化 飛行神鄉

九天生神天尊

焚水鍊第七符

長庚結秀 水神孕真 三河四海 寶梵網緝

亡魂七鍊 陰翳俱闕 九霄八極 高步質天

九天生神天尊

焚水鍊第八符

天河東注 赤灌崑崙 結炁寶池 離合自然  
亡魂八鍊 玉貌凝仙 水帝有敷 昇入九天

九天生神天尊

焚水鍊第九符

太陰真水 五行玄機 北陰大淵 涵符泓池  
亡魂九鍊 佩服天儀 更生受化 神觀形輝

九天生神天尊

啓爾真靈 都衛亡故 幸隨我神 運赴火池受鍊

九天生神天尊

移橋詣火池

焚火鍊第一符

太陽流景 南闕洞得 炎光下灌 丹天度幽  
亡魂一鍊 梵炁遙迢 洞朗太空 高登紫霄

九天生神天尊

焚火鍊第二符

金輝列耀 炎熾凌空 太陽布化 流鈴激風

亡魂二鍊 返形易容 行之帝鄉 浩劫無終

九天生神天尊

焚火鍊第三符

靈儀布景 赤紫凝霞 委炁流洞 混合三華  
亡魂三鍊 蕩滌氛氲 罪根咸原 升解雲芽

九天生神天尊

焚火鍊第四符

南丹朱火 受化更生 中有火池 陶冶真靈  
亡魂四鍊 血氣滋榮 雲衛遊宴 御景無形

九天生神天尊

焚火鍊第五符

南離垢質 紫金凝烟 赤爐丹景 曼花飛天  
亡魂五鍊 消釋陰愆 返胎還元 翔翔雲駢

九天生神天尊

焚火鍊第六符

金霄流火 注射光鮮 赤明和陽 洞照無邊  
亡魂六鍊 本始根源 俱脫胞節 登真自然

九天生神天尊

焚火鍊第七符

金晶啓運 左攝炎輝 玉眸訖訖 陽燧發舒

亡魂七鍊 宴景太虛上朝仙宗後天無表

九天生神天尊

焚火鍊第八符

朱陵丹華大帝司鈞分光降炁枯朽發生  
亡魂八鍊 故裏咸新 汎景鬱羅 飛觀紫宸

九天生神天尊

焚火鍊第九符

洞陽攝火披丹衣朱爽精射注絳霞呈舒  
亡魂九鍊 身服瓊瑤真元湛寂 周流帝虛

九天生神天尊

焚九天生神天尊

侍職引攝至九炁壇中

巨聞恍惚无象光明甍空洞之中溟津有生  
精化孕飛玄之表散太微而接景分華蓋以  
流英九天結形媿陰陽之本始三元成德合  
混沌於根源期胞胎魄魄藏府窈景神之經  
絡周圍藉混洞浩景遊融交演之輝光鬱  
勅金樓玉室萬神俱備以得生紫戶黃房五  
炁充盈而耀景會緣造化恪證希夷載念所  
度亡故若四大各離六如已化茫茫官府飄

命蒂以沉淪寂寂機關散生根而陷溺雖役  
陰陽而鍊質更資離坎以還形非憑九炁之  
功曷返五行之妙欲望

三寶九天上帝至尊飛玄景於三田錫真光  
於萬竅敬誦敬願備運太極之精明唱奉唱  
恭密契先天之形象降九霄之正炁纏萬體  
之靈源一時生神諸天品命全大道回生之  
力昭帝真起死之功稽首皈依無極大道

第一鍊 焚九天生神天尊  
志心皈依奏請

无上大羅天无鞅玄臺中鬱單元量天尊

焚鍊胞符

混合空洞炁 飛爽淨幽寧

眇眇離本條 苦魂沉九夜 棄晨希陽翹

大有通玄戶 鬱單降晨宵 黃雲凝靈府

陰陽炁象交 胞元結長命 惡根應化消

桃康合精延 二帝秀玉飄 灌漑胞命門

精練神不凋 九天命靈章 生神神自超

元君過死路 司馬誦洞誦 一唱萬真和

九遍誦天朝 稽首恭劫年 慶此榮舊苗

九天生神天尊

第二鍊

志心皈依奏請

无上大羅天无鞅玄臺中上上禪善元量尊  
天尊

焚鍊胎符

無量結紫戶 炁尊天中王 開度飛玄爽

變化輪空洞 故根離昔愛 緣本思舊宗

幽夜淪遐劫 對盡大運通 帝真始明精

號曰字元陽 櫻兒伯史元 結胎守黃房

斬根斷死戶 熙順養稷童 揮善導靈炁

玄哺飛天芳 華景秀玉質 精練自成容

務玄育上生 羅列備明堂 太虛感靈會

命我生神章 一唱動九玄 二誦天地通

混合自相和 九遍成人功 大聖慶元吉

散花禮太空 諸天並歡悅 一切稽首恭

九天生神天尊

第三鍊  
志心皈依奏請  
无上大羅天无鞅玄臺中梵監須延天尊



焚鍊魂符

須延總三靈 玄元始炁分 落落大梵布  
 華京翠玉尊 明梵飛玄景 開度長夜魂  
 遊奕赴期歸 炁炁返故根 大帝號陽堂  
 字曰八靈君 九闕綠迴道 胎炁生上元

陵梵度命籍 太一輔精延 沉九敷帝席  
 三部八景分 魂生攝遊炁 九轉自成仙  
 琅琅九天音 玉章生萬神 三編列正位  
 炁參八辰門 玄關過死戶 靈鎮津液源  
 應會感靈數 明道潛迴輪 慶此櫻兒蛻

九天生神天尊

第四鍊

志心皈依奏請

无上大羅天无鞅玄臺中寂然兜術天尊

焚鍊魄符

寂然無色宗 兜術抗大羅 靈化四景分  
 萬條翠朱霞 遊魄不顧返 一遊洞群魔  
 神公攝遊炁 飄飄練素華 榮秀格劫期  
 乘運應靈圖 空洞生神章 瓊音逸九霞

一唱萬真會 齋奧合成家 九轉景靈備  
 鬱鬱耀玉葩 兜術開大有 一慶享祚多  
 上聖迴帝駕 櫻兒歎以歌 不勝良辰會  
 一切稽首和

九天生神天尊

第五鍊

志心皈依奏請

无上大羅天无鞅玄臺中波羅尼密不驕樂天尊

焚鍊藏符

翻翻五帝駕 飄飄玄上門 遊步黃華野  
 迴靈驕樂端 採集飛空景 舊爽多不存  
 太微迴黃旗 無英命靈播 攝召長夜府  
 開度受生魂 公子輔黃寧 總錄具形神  
 玉章洞幽虛 五轉天地分 炁鍊元藏府  
 紫戶自生仙 數周衆真會 啓陽應感繁  
 玉女灌五香 聖母慶萬年 三界並歡樂  
 稽首禮天尊

九天生神天尊

第六鍊

志心皈依奏請

无上大羅天无鞅玄臺中洞元化應聲天尊

焚鍊府符

應聲無色界 霄映冠十方 迴化輪無影  
 冥期趣道場 靈駕不待轡 朗然生神章  
 空洞諒無崖 玄奧亦為疆 鍊胎返本初  
 長乘飛玄梁 斬奮喪天真 散思候履常  
 斬伐胞樹滯 心遊超上京 願會既玄玄  
 悟我理素忘 介福九天端 交禮地辰良  
 混化歸元一 高結元始王 稽首倚靈運  
 長謝蓋塵氛

九天生神天尊

第七鍊

志心皈依奏請

无上大羅天无鞅玄臺中靈化梵輔天尊

焚鍊竅符

玄會統無崖 混炁歸梵輪 務歎運靈化  
 潛推無寒暑 乘數構貞條 振袂拂輕羽  
 瓊房有妙韻 汎登高神所 圓輪無停映  
 真仙參列序 上上霄慚逸 洞元深萬巨

秀業翳翠霞 停陰清泠渚 遊說怡五神

驚想彌明侶 五難緣理去 冲心自怡處

爽魂隨本根 覺慶空中佇 七誦重關閉

豁滯非神武 運通由中發 高唱稽首舉

九天生神天尊

第八鍊

志心皈依奏請

无上大羅天无鞅玄臺中高虛清明天尊

焚鍊景符

清明重霄上 合期慶雲際 玉章散冲心

孤景要雲會 煥落景霞布 神矜靡不邁

玉條流逸響 從容虛妙話 靈音振空洞

九玄離幽裔 感奏無凝滯 去留如解帶

明識生神章 高遊無終敗 玄景曜雲衢

跡超神方外 應感無方圓 聊以運四大

研心稽首誦 衆聖共稱快

九天生神天尊

第九鍊

志心皈依奏請

无上大羅天无鞅玄臺中無想無結無愛天

專

焚鍊神符

無結固無情 玄玄虛中澄 輪化無方序

數來亦巨乘 誰云無色平 我我多丘陵

冥心縱一性 高期清神微 良遇非年歲

劫數安可稱 浮真緣故條 返胎自有恒

靈感洞太虛 飛步霄上水 津趣鼓萬流

潛凝真神登 無愛固無憂 高觀稽首昇

九天生神天尊

具位 具恭仰謝

三寶至尊九天上帝 幸承昌運叨際真風

密謝恩慈法乾坤而化育廣施濟度運經緯

以裁成重念亡故其降炁天開流形人境賤

形神涉塵垢已喪失於玄宗取死壞離本根

遂顛迷於妄趣是以體玄元之至化運靈寶

之真機坎實難虛升水降火剝陰柔而陶魂

魄圓滿真身復陽徒而返胞胎光明本相出

輪迴於五戶脫流轉於三途受鍊更生迴散

起死實帝三天之隆傳淵九地之恩更願證

果周圍傳符授戒起凡入聖與道合真法衆

運誠贊揚功德

九天稱慶天尊

侍職引攝詣法座前

咨爾真靈部衛亡故其來詣座前傳符授戒

返胎更生

扶桑啓靈運 鬱鬱吐青芽 妙用流金母

和合自然能 神炁凝九宮 靈物耀絳霞

自然生人道 冥寂契仙家

九天稱慶天尊

見前亡靈結炁生神還真復質聞經聽法通

微悟玄既承大道之洪恩當稟上真之慈訓

澄思注念諦聽奉行蓋以九天之炁生其神

三光之炁育其質黃白相致混沌合形六甲

周流五行交感法天象地舍陰吐陽萬象森

羅千真備利既尊且貴天地同仁是以首為

崑崙髮為星辰眉為華蓋眼為日月鼻為天

柱耳為天聰口為天門面為天鑑五嶽四瀆

八海九江一元二儀三光四象五行六律七

元八景九宮十方莫不備焉皆天道應妙至

神之滋生也所以德虛正念陶洗端思聚炁

養神招神合形心無苦惱身有光明自然升  
入無形道遠永劫或狂躁役志混濁存心傷  
氣疾神奔神散衆 關擾動萬竅失迷即使  
魂魄沉淪三途流 動靜善惡隨念升沉不  
可忽也今當遵依 法宣示戒條導滌昏蒙  
開通智慧可辭塵網永證法輪法果運誠稱  
揚妙範

智慧頌

智慧起本初 朗朗超十方 結空峙玄霄  
諸天挹流芳 其妙難思議 虛感真實通  
有有竟不有 无无无不无

又  
智慧常觀身 學道之所先 紛紛任玄肆  
自然錄我神 天尊常擁護 魔王為保言  
晃晃金剛體 超超太上前

又  
智慧生戒根 真道戒為主 三寶由是興  
高仙所崇授 從此不死舟 倏忽濟大有  
當此說戒時 諸天皆稽首  
道本虛中戒惟正已持純一而端恪屏浮穢

以精專清靜根塵却除魔惱脫俗趨幻難妄  
明真濟度迷津戒為良筏提攜苦海戒作慈  
航自鍊魄於洞陽即返生於太漠胎英入妙  
神炁回靈孰非戒之神奇功用也蓋自元始  
法王慈悲教主希夷養素空碧鍊真於萬類

之沉淪示九天之科戒倘能動心持受潔志  
操修生則貴然養神保身固命死則聚神返  
炁登真復靈內外清虛始終快逸永與道合  
保天無疆豈不樂哉今當恭依經旨宣演妙  
戒先皈三寶次授戒條法果運誠人各恭信

億劫化應天尊

第一皈依 混洞太无元高上玉皇之炁无上自然天寶  
第二皈依 赤混太无元无上玉虛之炁无上自然靈寶  
第三皈依 冥寂玄通元无上玉虛之炁无上自然神寶  
三寶既已皈依大成今當諦受  
北帝頌  
善哉元始尊 衆生慈父母 須光紫微宮

曲映九幽戶 我我立寒庭 迴照廓水浦

炎變烈火燄 霈然灑法雨 圓通大哀智

常善濟衆苦 拔度長夜魂 今得稽首禮

第一戒者忠孝國君師資父母

第二戒者仁慈百品衆生昆蟲草木

第三戒者敬奉天地日月星辰

第四戒者欽奉三洞上經一言一偈

第五戒者尊仰一切仙聖神靈

第六戒者慎損三寶物色

第七戒者和顏悅心忍辱修行

第八戒者端貞謹潔清心淨體

第九戒者勿生嫉妬陰謀詐妄天人合生

第十戒者不得嗔食辛腥腥臊葷穢

第十一戒者不得大醉浮狂叫喚

第十二戒者不得評論一切是非高下

如上十二戒乃九天帝尊金口宣演佩奉者

升入九天輕慢者墮入九地今對亡靈依科

傳授切宜審聽終始勿忘次有十二大願乃

成真之梯階志心宣傳尤宜諦聽

第一願者願三寶流演化及一切普使知開

第二願者願供養片善師資不關當遇提携  
第三願者願修齋奉戒圓成無諸魔試  
第四願者願竭力竭財建立道堂救恤貧乏  
第五願者願賑接山林學真使功不替  
第六願者願拂拭三光五行常得明朗

第七願者願普開九幽鬼神皆得超生  
第八願者願潛胎處卯濕化普遂生成

第九願者願萬品枯朽皆得再榮

第十願者願救度劫災時厄永保平安

第十一願者願制召萬靈升降鬼神

第十二願者願依訣修行功成行備骨肉同

仁

如上一十二大願乃九天帝真玉音流誦普使  
天上人間陽神陰鬼平等一心堅固受持願  
心不退諸天稱慶千生萬劫常植經教不墮

輪迴清衆運誠稱揚奉戒

奉戒頌

道為無心宗 一切作福田 立功無定主  
本願各由人 虛已應衆生 注心莫不均  
大聖崇至教 亦由兩降天 高陵靡不周

常卑故成淵 海為百川王 是能舍龍鱗  
萬劫保智用 豈但在厥年 奉戒不暫虧  
世世善結緣 精思念大衆 會當體道真  
十二戒既已受持十二願復堅佩奉衆心專  
格勵志精修自得智慧妙圓清淨無漏諸塵  
永脫升入真仙然大戒科條皆包世諦何也  
衆生深入塵緣流蕩忘返形雖變滅心病未  
除故上聖高真以生前所當戒者暨其病使  
去病根在心政宜疏濬生生世世念想不忘  
出入起居常依正道戒既受矣願亦如之萬

業消鎔六根清靜精思陽梵駕景飛玄旋行  
紫極之宮洞妙金華之境今者敷揚戒願已  
按冲科更就齋壇給牒為據所給符錄并用  
告宣

宣戒牒 宣金書寶篆

向來給授符牒已獲周圓伏請悟道登真超  
凡入聖逍遙自在徑上南宮返胎更生轉神  
證妙少須發遣保舉登天

寶華圓滿天尊

巨聞二儀布化九炁凝神千真聚會於三宮

萬象森羅於六府百關和暢九竅開通魂靜  
魄寧神清炁爽所鍊亡魂伏茲良因隨果受  
度得為真人巨等草茅賤類蟻蟻微軀輒膺  
命以求真仗鴻慈而濟物虔伸懇悃晉被恩  
光乘大道之甄陶涵萬天之景既伏望雲車  
風馬却返於層霄玉蕤珠華飄零於碧落巨  
等仰謝

天恩下情不勝激切攀戀之至

回軒頌

回軒五雲輿 騰駕九章歌 倏忽升天遠  
離壇香氣多 玄恩罩宇宙 福祿遍山河  
緬想神仙路 逍遙上大羅

謹召九天普度院守雄抱雌二大將本靖主  
將副將護道監壇諸大元帥疾速部衛亡故  
衆人上詣朱陵火府上帝有救風火無停玄  
壇功德具有牒文謹當宣示

宣功德牒 宣天門券

宣命魔前驅符

二故某騰光南上離暗北鄰禮道禮經禮師  
一真日皎鍊形鍊神鍊炁萬安風清茲登寒



廓之鄉徑達虛無之境實戒其願銘錄不忘  
玉券金符佩奉無忽救真靈而護送命將吏  
以衛扶飛步雲衛水無輪轉好去好去母忘  
母荒

送靈如儀

九

二十

靈寶領教濟度金書卷之八十一

靈寶領教濟度金書卷之八十二八十三 殷

洞微高士開光救苦真人寶金身授

靈寶通玄仙救水南先生林靈真編

科儀立成品生明

升壇誦經儀

步虛 洒淨

三皈依

按人各恭敬

志心皈依十方道寶當願亡靈起心回向一

切信禮

志心皈依十方經寶當願亡靈心開悟解受

持轉誦

志心皈依十方師寶當願亡靈普上法橋無

有障礙

啓白

具位臣某謹焚香奏啓

太上無極大道虛元自然元始天尊太上玉

晨虛皇大道君金闕後聖玄元太上老君三

寶丈人三寶帝君三洞尊神鬱單無量天帝

上上稱善無量壽天帝梵監須延天帝寂然

兜術天帝波羅尼密不驕樂天帝洞元化應  
聲天帝靈化梵翰天帝高虛清明天帝無想  
無結無愛天帝五靈五老上帝三元三官大  
帝三十六部尊經玄中大法師靜老天尊三  
天大法師高明大帝九天好生韓君丈人度  
人不死尊神南極長生大帝迴散起死尊神  
太一元君太一真人飛天大聖無極神王四  
協侍宸玉輔上宰九天司馬侍仙玉郎太極  
典禁靈妃侍聖玉童玉女三洞四輔經錄符  
法上聖高真翊衛仙靈九天諸司真君九天  
列職靈官玄壇功曹使者玉童玉女直符直  
事直日香官虛空監察仙真主宰諸省府院  
司官君將吏地水巖瀆城隍社令三界應感  
一切真靈仗此寶香並同供養

臣聞三寶金書凝飛玄之妙炁九霄玉笈秘

空洞之靈音臣內名混合於百神生根截成於

萬品導運御世唱恭奉而九炁結形乘晨希

陽洞玄靈而七元返景洪惟元始凝妙虛無

憫履元之告終矜函三之應會神景啓奧隨

韻通玄上開天地之光下料死生之化希夷